

梧州府志

山	疆	卷	沿	星	卷
川	域	之	革	野	之
	市	一	表		一
	廂		附		
	附				
	里				
	墟				

同治癸酉重鑄

梧州府志

板存鳳臺書院

梧州府志序

蒼梧自義州宅南交載在二
典禹貢為荊州南境秦屬桂
林西漢乃置蒼梧郡東漢曰
縣唐宋稱梧州迨明始設梧
州府領一州九縣我

序文

朝雍正三年分鬱林為直隸州以
博白北流陸川興業屬焉而
梧存邑五居東西粵之交為
要津余三奉

詔命總制百粵十餘年中數按部
其地見夫山谷幽邃川流滢洄



而民俗簡樸古風未墜顧
去野就質秀民亦時出其
詩書之澤以奉禮教乃知
聖天子文德涵濡化成久道固使嶺
外遐陬無不蒸、有進於古
而足以抗衡上郡也太守吳

序文

二

君九齡因郡乘漫漶散佚
垂念文獻自公之暇與前史
丞鳴舉誨求搜採易三寒
暑書成造

簡畀廣州監司亟其書請余一言
弁簡端余惟周禮地官誦

訓掌方志以昭觀事以知地
俗是以小史外史特詳於周
官此志之所由昉也若夫志
之有圖又自宋敏求長安志
始夫欲知郡縣廣輪之數晰
其離合莫圖若矣矧梧自



雍正三年改隸更革迄今垂
四十餘稔典章制度一秉
睿謨而按諸圖籍未越疇曩名
實已非考稽胡據將使後
之人嘆郡事之闕佚當必有
任其咎者大矣今之為郡勅以

簿書期會為官守致之為維
日不足靳置身於無過之地
斯已耳而於顧名思義曰知
府問其郡邑廣輪離合有
茫然不知爾矣尚何有於扼
塞險要水利農功民風物產

與夫賢才之生孝弟之行哉
吳君知有後日之文獻則知
不昧於今日之周知也已予嘗
為大司徒實總職方司險且
又忝制軍兩粵梧為旌幢往
來地樂其志之成也因書以

告後之守土者

太子太保兵部尚書兩廣總督昭
信伯遼陽李侍堯撰



梧州府志序

輿地之志原本禹貢而嶠南
地里則先見於堯典申命羲
叔宅南交蒼梧即古交州然
則放勳光被四表日永星火
之墟梧其南訛平秩之尤著

序

一

六

者歟厥後秦漢游徼之吏所
謂東南一尉亦莫不扼梧以
為五管之橐鑰盖其地錯壤
 桂水陸四衝宦斯土者非
熟悉其星野疆域氣候土物
之宜與險隘軍屯文獻之蹟

則拊循防禦未易張弛而得
其要領也庚寅春予奉

命出撫東粵稽覽封圻滇黔衡岳
控引西陲齟政通焉牂牁流
衍之境未嘗不時縈寤寐况
梧又輔車相依者哉會渾齋

序

二

七

吳君以梧州太守擢任監司
東粵糧驛謁見之頃接其言
論豐采已信敬慎威儀維民
之則矣及受事匝月於公移
簿領中覘所建白則益信其
練習吏治寔有裨於國計民

生而非徒粉飾以邀取虛譽也太守親民其咻噢梧人久矣因詢以梧事則歷舉星野疆域戶口賦役軍屯文獻之蹟娓娓言之不倦而又旁及都嶠勾漏鬱潯山水之勝七

序

三

山五屯獐猺韎韐注之情狀遂出所撰梧州志二十卷徵序付梓余惟郡邑有志即周禮外史四方之掌漢魏則附見於史唐元和郡國志及宋圖經皆按地編輯朱文公

大賢治郡所至率先取圖經
況後之從政者乎余循覽是
編文贍而事核綱舉而目張
凡所紀載均有關治法以備
軒輶之採洵與史例相表裏
吾聞梧郡舊志漫滅殘軼垂

序

四

九

數十年今一旦哀然成帙使
覽者於馬伏波飛鳶跼跼墜
水之地徵文考獻以觀
聖朝文治光華之所被亦可謂當
務之急而吳君之所以自起
家為令至於太守俱循聲卓

卓圖治而得其要領也故西
粵治郡報取即邀

恩命晉秩觀察又筦庾精以字吾
東粵之民豈但不佞藉指臂
之助哉因弁數語以授勵氏
乾隆三十五年歲次庚寅律

序

五

十

中林鐘之吉

巡撫東粵使者白山德保拜撰



重修梧州府志序

梧州粵西一大都會也居
五嶺之中開八桂之戶三
江襟帶衆水灣環百粵咽
喉通衢四達間氣凝結人
物繁興形勝實甲於他郡

序

庚寅春余奉

簡命晉擢粵西下車伊始適觀
察吳君將之任粵東郵呈
其蒞任悟守時重輯梧州
府志彙成一編乞余一言
以弁其簡端余按梧志創

脩於前明謝守續修於
康熙廿六年陳守距今歷
八十餘年檢閱舊志半多
凋殘剝蝕考古按今缺憾
良多夫郡邑之志雖僅一
隅而其間疆域之廣狹田
賦之增減風俗之淳澆人
文之盛衰以及學校城垣
建置異宜軍營糧餉今昔
殊勢欲期垂諸永久昭示
將來使夫因革損益之大
條分縷晰之細簡而能該

有體有要詳而曲盡不蔓
不支自非博稽載籍旁求
時事正其舛謬定其指歸
其能萃四方之文獻成一
郡之志乘哉方今

國家重熙累洽仁漸義摩薄

序

三

十三

海內外一道同風職方紀
載率土皆然矧梧郡為粵
西要地可無成書以備採
擇乎今觀察吳君率其僚
屬暨郡邑人士不憚搜羅
精於讎校缺者補之繁者

刪之分門別類釐為二十四卷閱兩載而始成因憶余幼時隨侍

先文肅公之任粵東制府道經蒼梧翹望都嶠之間俯臨桂江之側緬維往跡

序

四

十四

慨然有懷茲攬梧郡全志想像舊遊宛然在目不禁狂喜移時一再流覽而不能已時公餘稍暇輒為援筆敘之如此

乾隆三十五年孟夏之月

廣西巡撫陳輝祖撰



序



五

十五

梧州郡志序

志識也所以孝古今於不敝信淑慝昭治
術詳興廢而備蒐擇也國有史郡邑遜制
則稱志志不脩則土地人民政事不可得
而攷余奉

命視學粵西蒞事之初即廣求郡邑志乘欲以
擴見聞所未及而得之者蓋鮮其以是爲

序

一

十六

末務不亟求備者非一日矣梧兩廣之大
都會也前明時韓襄毅王文成兩公督師
於此先後勲業炳耀炎徼

國朝定鼎以後掃逆氛而奠衽席開艸昧而
覩光華百數十年來

深仁厚澤涵濡陶育吏治民風莫不整肅而恬
熙以至幽遐殊類革心向化掎歟盛哉夫

扼山川之勝可據圖而辨而載筆記言以
詠歌

國家之郅治其所以拯救而漸摩之者夫豈
可略而不講歟乃悟志自康熙丁卯陳守
脩輯之後歷八十年矣其間因時制宜變
遷改革不知凡幾舊志所載有未可執古
以概今者不釐而訂之奚以信今而傳後

序

二

十七

渾叅吳公初爲長治令即志長治志成而
改擢以去泊爲悟守猶今長治也守悟五
載興廢舉墜吏安而民祝之取八十年中
簡編之所不載搜羅散逸與一二同志叅
伍攷訂去其疑而求其信文省於前事備
於後簡而該博而不穢將爲一郡之綱紀
使後之守悟者得有所據以協夫張弛損

益之宜而余亦以資采風問俗之一助是則吳公爲治之大者也吳公之治梧也脩建學宮及傳經書院加給諸生膏火延師講道於中其所造于梧者甚大政成報取天子擢爲監司今行矣梧民之思吳公者其亦可即是以誌勿諼之意也夫

乾隆三十五年歲次庚寅五月上澣廣西

序

三

十八

督學使者山陰童鳳三序



吾觀夫梧州一郡囊括三江橐
鑰百粵廣袤四倍古侯國衣冠
絃誦水陸舟車星廬鱗疇名勝
甲桂管守此郡者趨鄭步杜使
無所藉以為考鏡是制材乏規
矩釐音缺六律雖有輸曠不能

調枘鑿而諧宮商則郡志要矣
梧志自康熙丁邠嘉定陳天植
作守重修迄今八十餘載歷七
紀之雨露荷

三朝之漸摩凡茲戶口疆里風俗政治
仕跡文物日美月新山川增煥

而掌故舊籍蠹殘漫漶是非有
巨識之力者亟續其盛則憑熊
軾於大雲棲鳳間徒抱杓鑿按
宮商問津昏夜耳沐陽吳渾齋
守梧近七載教養兼資百廢具
舉志欲譜昇平而奉揚

志序

二

二十

列聖之聲教爰禮同志薈集之採翠綴

珠別類分門訂繆正訛再夏志
成將付梓而已遷粵東糧儲使
於其行也問敘於余余何言哉
惟持此規矩六律還以遺後之
守梧者善為考鏡調諧耳乾隆

庚寅閏五粵西旬宣使者燕山

淑寶識



志序

三

廿一

梧州府志序

周官司險職方氏掌圖籍而天下廣輪之數隸焉史志輿地非採風列國考獻微文不足以信今而傳後此郡邑之志所由昉歟夫星野既分疆

域以定山川風俗雖亙古如一轍而其間建置之變遷政治之興廢與夫人物藝文之盛衰升降則又因時制宜代有沿革一事不脩即缺一事一時不載即缺一時守土之

官固難辭其咎已余昔司臬
山右所屬各呈其郡縣志披
閱一過非冗即漏求其發凡
起例綱舉目張簡而賅詳而
有要則惟長治縣志為最善
蓋渾齋宰邑時所修葺也君

優於才為政知大體所到以
勤能著迨君擢守梧州余適
量移西粵課其吏治卓然可
觀梧界在東西兩粵之衝徭
獠雜處賦役繁重君在任六
載興利除弊百廢具舉郡志

殘缺逾八十年君以聽政之
暇督率僚屬搜羅散佚博詢
廣諏編輯次第越兩載書成
庚寅春閩兵凱旋余于役梧
州經理公暇取其書詳閱之
郡之星野疆域山川風俗以

及變遷興廢之故盛衰升降
之原一展卷而瞭如指掌余
益歎君之修舉廢墜無一事
不加之意也今君秩滿奉

命監司廣州余亦蒙

恩□宣南楚瀕行爰書數語以弁

簡端因以見余之信君方宰
長治時已知能勤于其官越
七八年而振作如一日異時
之事業更可於此志覘之也
是為序

乾隆庚寅菊月

序四

四

廿五

欽命廣西按察使新授湖南布政
使司布政使綱村吳虎炳撰



脩梧州府志序

膺守土之責者偕諸司牧令長
恪共厥職以蘄免曠官之咎凡
土地人民政事亟需脩飾整理
者何日無之奚暇汲汲於文史
而勒圖經之紀載乎然而有不
容緩者地方廣矣人民衆矣改

敘

事繁矣而宏綱細目莫不脩具
於志按籍而稽一攷鏡得失之
林也是以守令重之余嚮令長
治以不學者始筮夙夜兢兢罔
敢暇逸邑人士以脩志請則敬
謝不敏閱三載而始從事雖載
筆有人余不敢諉以文史之不

諳而周咨博訪一篇之中三致
意焉必求其可信而後即安會
志成而余適量移凡志有所當
為而不及為者竟惘然抱慚以
去乃始悔修志志不早耳乙酉
春奉

命來守茲郡取郡志閱之則字漫漶

敘

二

廿七

過半蠹簡之散亡者十之三計
自康熙陳守脩輯之日距今已
八十年岌岌乎梧雖有志而無
志矣且梧非他郡比也居兩廣
之交地廣衝要民獠雜處前明
設鎮開府以來寇賊起滅相尋
未有寧宇迄乎季世差獠迭起

賦役紛更我

朝定鼎如造草昧而覩光華掃蕩
逆氛而後邊民纔安衽席而舊
志之載筆於斯焉止嗣是
聲教之暨訖民物之繁興吏治之
肅清人文之蔚起

歷聖相承之義摩仁漸百蠻向化之

敘

三

廿八

食德服疇薄海登風俗之書八
表仰同文之治胥於此八十年
中譜昇平而歌復旦顧問其紀
載而茫然一無所考是尚得稱
服嶺以南瘴海以西一大都會
乎守土之責何不謂之曠瘵而
不可也然而網羅散佚文獻無

徵一旦取八十年荒略之志而
整輯之誠戛戛乎其難之矣越
明年史丞佐郡幸有同志遂共
商纂脩上其事於諸大憲皆報
可又得岑邑周令雅擅考核任
以載筆選各邑人士之端謹者
司分核稿既具而史丞復加刪

叙

四

廿九

潤以眡余余不學無文其於志
也復何所知殆亦如曩者志長
治時不憚再三考詢務求其足
信焉爾矣至志所當為而汲汲
以圖之者亦略得數端而未能
逮者正多也開局於丁亥四月
閱兩載而後脫稿遵例錄陳

學憲查核并請

各憲臺鑒定而後付之梓庶幾
存梧志於荒略絕續之餘以備
盛世之圖經敢漫附日南之信史
乎哉乾隆歲次己丑孟冬月郡
守吳九齡渾齋氏書於梧州官
署之敬事軒

叙

五

卅



梧州府志舊序

崇禎四年

明知府謝君惠

予初令懷陽卽誌懷陽也誌成適以內擢行郡丞南海陳公憮然曰郡無誌奈何今幸脫草矣剗劒有靈願以異日及予浮沉大官署與守尙書郎又若而年乃被命守梧梧猶然無誌也憶陳公語心殊怍怍自覲旋得其所定草乃屬蒼梧令王君學博馬君加芟潤焉越月成乃壽之梓予當有言弁其端予亦何言惟誌梧言梧耳梧爲粵以西雄郡三江環迴一洲逆踞其左先是獠獠憑嘯時扞游徼之吏自韓襄毅王文成兩先生掃蕩收寧數十

梧州府志

卷之首 舊序

一

年來介胄易衣冠蠻語成謳歌矣而誌獨缺焉起兩先生於今日何能不然太乙之藜而操如椽之筆哉誌者志也猶是河山汶汶耳而志則若爲壯其勝猶是人物泯泯耳而志則若爲振其秀猶是士俗民風漫漫漶漶耳而志則若爲標其韻是志也者彪炳之大業而經緯之盛治也予心怍怍藉諸君子成百年未舉之典不厚幸哉誌梧言梧請言其大者夫府猶腑也人之臟腑調而後榮衛肢體隨之不然或用藥餌或用鍼砭勢必相其所受而理之也今日之梧比之予令懷時異比之廿餘

年以前則又異民無益田而賦有益派工無定役而助有定貲帑藏罄於搜括膏腴割以贍藩且也庚癸之呼正急而鄰省之餉愈逋一旦有警嗷嗷者誰果其枵腹乎此亦宜用藥餌之時也七山五屯隸韋跗注者夫豈無人而躍馬穿楊者誰乎是以哨冒兵也守城把哨執銳控弦者夫豈無兵而投石超距者誰乎是以兵冒餉也此亦宜用鍼砭之時也相其所受而理之守土者應有墻垣之□焉予愧齷技已窮寸腸徒熱耳志凡二十卷丹□幾易宵旦幾更夫亦藉手爲地方成此不朽耳如

曰休前政而啓後修也者則吾豈敢

梧州府志原序

康熙二十六年

知府 陳天植

甚哉志乘之有關於治道也夫爲治者莫先於辨疆域而定田賦敦風化而厚人心外此而修職事以儆曠瘼崇祀典以報功德奮武衛以戒不虞揆文教以彰俊造夫而後八政修庶徵應六府三事咸敘而治道聿觀厥成矣凡此皆志乘中之所備具者也然非鑒於古而法於今猶昏夜問津孰從而知其涯畔哉植筮仕山海輒以志書爲急採輯成帙身體力行卒以報最繼守延安亦勉務是舉客春蒞梧甫下車觀其山川形勢察其風俗井疆

梧州府志

卷之首 原序

三

考其賦稅戶口民雖樸而逋欠何以尙多俗雖淳而訟獄何以弗息以至萑苻間有弄兵曲江稀聞與宴意者土瘠民貧歟抑鞠謀未至與適鐸之未儆與繭絲之過迫與有挺而走之險者與無掖而進之道者與因慨然曰我

皇清奄有方夏反側已安而四方底定山陬海澨無不貢矢獻琛今

天子聖神文武考職方而圖王會梧雖僻在西陲上通滇黔交南北連桂林平樂東南則接壤雷連高肇延袤數百餘里聲名文物擬於中州誠百粵之襟

喉也况一民尺土莫非八

聖世之版圖而烏可以無志曩閱西粵全省志皆萃
各憲之精思殫高明之撰作會合古今昭彰義類應
與蘭臺秘閣諸書並垂不朽梧之志已備在省志
梧可以無志植曰不然省志者總其要郡志者職
其詳也乃購求遺書無有應者今歲復銳意諮訪
于蒼梧紳士家得謝君惠刻本十二卷蓋原始於
明萬歷初郡守林喬楠及陳鑑陳熙韶增修之本
然皆蠹蝕之餘始于秦而终于明崇禎四年自是
而後

梧州府志

卷之首 原序

四

國朝鼎新時代既殊因革亦異距今五十餘載山川
城郭如故而戶口有登耗田疇有蕪闢兵防課餉
之有增減學校祠署之有修廢職官或設或裁科
選日新日盛種種不一卽如人物名宦忠孝節義
皆天地之正氣而潛德之幽光也泯沒弗彰可勝
嘆哉他若藝文詩賦亦賢哲之格言烏可以弗錄
植才學庸陋簿書期會急遽不遑乃檄各屬州邑
廣求博採復詢於薦紳諸賢暨庠士遺老之博通
者名山野乘並錄兼收彙屬學博黃子裳吉王子
之驂維泰黎子傅縉蒼梧紳士王子文燦熊子兆

祥本諸省志參以邑志闕者增之遺者補之列綱
領十二款以統其類分條目六十餘以著其詳自
春徂秋極編摩之力凡五脫稿敘次成書二十卷
上之

督學
撫藩守臬

各憲臺冀求鑒定而總裁之併乞言以冠
其首因與僚友及各屬共捐囊爲剗之資於以
考信往古昭示來茲倘有闕遺以俟後之君子
康熙二十六年歲在丁卯孟春之吉知梧州府事
東甌陳天植西堂甫題

凡例

一志有體例綱以提要目以比繁道在括而該詳而核不離乎史者近是茲製體一仍舊志舊志卷二十立綱十二分目六十有四第紀事雜事並立爲綱景致亭閣多爲之目則繁而瑣矣今併爲十大志分爲四十二目爲卷二十有四宜分列者分之宜比附者附之庶幾文省於前而事詳於後

一舊志原隸十屬後旣撥鬱林爲直隸州而分北流博白陸川興業屬焉則鬱林一州四縣載在舊志者新志例應從省

梧州府志

卷之首 凡例

一

一天星分野自史漢以蒼梧屬吳越爲牛女分野後代辯論於星紀鶉尾之次者言人人殊今依國朝推測諸書定爲翼軫分野從前聚訟可息至占驗之說槩置弗錄

一梧介邊土依古以來提封壤錯代有紛更非臚列明晰安能瞭如指掌舊志無表今仿通志增之而考核更不厭其詳

一兩粵地相唇齒梧爲粵西門戶形勢實雄視諸州幅幘所隸必詳敘其四至八到乃不啻指臂相屬廂里墟市卽在疆域之中矣故併附之若設關成

梁王政攸繫式閭表墓古蹟兼該自應各分一□
一梧州爲山水之區山結九疑水滙三江其氣厚而
脉長古人建邦立國未有不度高山而觀流泉者
匪獨用形家言也今於郡邑山川標其主輔析其
源流斯形勝瞭然卽守要防險之義亦寓乎其中
焉
一風俗關乎政教固守土司牧之官所最宜留意者
梧州風土樸茂習俗馴良揚越浮華未之或染中
州禮教以漸而摩至天地之燥濕寒煖民間之伏
臘歲時節候卽以覘風俗也故併附之

梧州府志

卷之首 凡例

二

一梧屬物產雖不及東省山海珍錯之盛而物土之
宜上推五穗下及卉木蟲魚實稱蕃庶僅列其名
略同記簿遇物而不能名者多矣今詳加考証竊
比於虞衡及異物諸志之義

一城郭宮室國體綦重今統志以建置而分條詳攷
於修廢舉墜之際三致意焉

一學校爲風化所自在邊土尤關聲教舊志於創建
興修紀其時地與其人矣而於

至聖先師崇祀之典先賢先儒列祀之制祭器樂章陳
設之儀未經備載非所以示明備而啓人文也今

新修府學告成一切儀器典章備具是用詳志於
篇將與郡人士觀禮樂焉書院社學皆樂育才也
故附之

一壇廟皆秩祀也僅載厥名與地奚以稱明禋乎□
井著其義詳其制凡寺觀之久祠於郊野者禮□
宜也亦皆附載

一田賦肇於則壤而編戶徭役已具於周官我
國家薄歛輕徭滋生永不加賦今

聖天子尤念切民依重恤民力煌煌乎

申令也獠人獯人盡服疇食德之民矣用併附載

梧州府志

卷之首 凡例

三

一水利卽舊志溝洫也言水利乃益加詳焉積貯以
備水旱倉與庫並重可無志歟今特增之

一鹽以佐食稅以佐賦梧設盤查之廠

國課民食所攸關也詳考其源流而并志之

一兵可百年不用而無一日不可用我

朝軍政之盡善歷代以來未之有也梧嚮者四郊多
壘今則百姓久安衽席糧給於餉而農不知兵歸
於伍而民不覺統轄之嚴簡練之熟日日皆可用
之兵也謹條分以志其備

一設官分職所以莅民而志紀一郡舊志列監司郡

守以及牧令庶僚惟載秩官宜也然自漢交阯刺史卽治蒼梧迄唐宋元以來容則有經畧刺史總管藤則有刺史諸官明景泰以後則兩廣總督開府於梧由明以至國朝又有守巡鹽驛諸道歷任皆駐梧矣親蒞其地有功德被於梧民者宦蹟列其傳而職官未列其名可乎今序秩官於前而補載駐劄一門頌遺愛者可按籍而稽此職官之志所由與他郡異也宦蹟非確有可稽至今口碑載道者不敢輕益一傳流寓例次於名宦故以寓賢繼焉

梧州府志

卷之首 凡例

四

一科目爲

功令取士之制舊志選舉首列薦辟

國朝館選錄宏博經學諸科皆附列於進士本科此其徵也故先列進士鄉舉貢選而以薦辟次之梧郡人才自古稱盛允足抗迹中原奚止耀茲南服其文章勲業卓乎可紀者登諸列傳而孝義獨行之士方外高舉之人各分一目以志不朽舊志而外或見通志或載邑乘考核而錄之若非紀載足憑表表入倫者不敢輕錄

一列女有貞烈苦節者已邀

旌典固應八志而屬在窮鄉僻壤雖遺褒舉未可沉埋采訪輿論公呈有合例者卽登之

一史志藝文分類而載書目志志藝文辨體而錄篇章二者雖殊其歸一也然必其言有裨於政教風俗且足資圖經攷證者始爲採八至於時人辭章卽有可觀概不敢錄

一紀事者紀其事關考核貴乎信而有徵若稗野之說以助談柄不惟失誣抑且破體卽襍祥所載遠涉天象者亦非郡志所應專載也并節之

一志必考古乃能證今梧雖通都而郡人士鮮有留

梧州府志

卷之首 凡例

五

心紀載者又嶺表嗇於藏書是以舊志類從簡約亦尙有訛沿失真之處今爲訂正數條祇懼識學踈陋文獻無徵掛漏正復不少

一舊志議論有關於時事并足風示有位者前人載筆良有苦心也今皆抄錄於篇

梧州府志目錄

卷首

序文

凡例

輿圖

卷之一

輿地志一

星野

沿革表附

卷之二

輿地志二

疆域廂里墟山川

卷之三

梧州府志

卷之首目錄

一

輿地志三

風俗節候物產

卷之四

輿地志四

關梁驛站古蹟墓坊表陵

卷之五

建置志一

城池公署

卷之六

建置志二

學校
學書
附院
社

卷之七

建置志三

壇廟

卷之八

田賦志一

戶賦
附獠 獞
水利

卷之九

田賦志二

積貯
鹽權

梧州府志

卷之首
目錄

卷之十

軍政志一

兵制
戎署
附教場

卷之十一

軍政志二

鎮將
附兵額
兵餉
附屯田

卷之十二

職官志一

府官
縣官

卷之十三

職官志二

學官 駐劄

卷之十四

名宦志一

宦蹟 上

卷之十五

名宦志二

宦蹟 下 寓賢

卷之十六

選舉志一

梧州府志 卷之首 目錄

三

進士 鄉舉

卷之十七

選舉志二

貢選 徵辟

卷之十八

人物志一

列傳 孝行 忠義

卷之十九

人物志二

隱逸 僊釋 附方技 列女

卷之二十

藝文志一

疏表

記序上

卷之二十一

藝文志二

記序下

卷之二十二

藝文志三

考說
附各體

卷之二十三

梧州府志

卷之首
目錄

四

藝文志四

詩賦

卷之二十四

記事志一

雜記

襪祥

梧州府志修輯銜名

總修

梧州府知府吳九齡

江蘇沭陽人

纂修

梧州府同知史鳴臯

江蘇如臯人

分纂

岑溪縣知縣周春

浙江海寧人

容縣知縣緱山鵬

陝西鄜州人

督修

梧州府同知宋清源

江蘇元和人

梧州府志

卷之首 修輯銜名

一

監修

蒼梧縣知縣蔡理慶

河南虞城人

采輯

藤縣知縣布勒亨

滿洲鑲白旗人

岑溪縣知縣勞惠器

浙江浦江人

懷集縣知縣侯筠

順天良鄉人

署懷集縣知縣楊嘉年

河南商城人

分校

署梧州府經歷彭萬槐

江西清江人

梧州府經歷劉建泰

江西廬陵人

蒼梧縣教諭王朱鳳岡

廣西臨平桂人

容縣教諭龍振淮

廣西柳州人

梧州府訓導陳子智

廣西宜山人

藤縣訓導覃思堯

廣西象州人

岑溪縣訓導石燕山

廣西義寧人

校對

舉人李世錦

廣西岑溪人

舉人李存仁

廣西懷集人

拔貢邱斌

廣西蒼梧人

拔貢封衛世

廣西容縣人

梧州府志

卷之首 修輯銜名

二

拔貢馮紀

廣西容縣人

廩生朱純

廣西蒼梧人

生員徐敏修

廣西岑溪人

生員鄧東暘

廣西懷集人

採訪

拔貢劉世望

廣西蒼梧人

貢生羅嘉謨

廣西蒼梧人

廩生李朝桐

廣西蒼梧人

生員李偉

廣西岑溪人

監刻

管理廣東糧驛道庫大使事廣州府經歷章壽彭

浙江山陰人

署廣東廣州府經歷兼管糧驛道庫大使廣州府獄江德綏

江蘇元和人

梧州府志

卷之首

修輯銜名

三

梧州府總圖說

輿圖曷昉乎周官詔地事則有圖天下之圖掌於職方而又設土訓以掌地圖誦訓以掌方志郡縣之方必有志志必有圖其由來尙已梧居五嶺之中開八桂之戶總滙百粵橐鑰三江水陸四達之衢也文章則依古爲昭武備則近今爲烈攬山川之雄秀慕人物之瑰奇不有繪圖孰覘形勝第舊圖具在而其間總隸分屬則今昔殊焉夫繡壤之相錯也邊幅必脩吏事之相維也鞭長莫及我國家省方辨土因地制宜裁十屬而五之而土地人

民適符名都會矣重繪茲圖以相夕陽而觀流泉庶幾瞭如指掌職斯土者咸思所經理哉


梧州



卷首圖

一一


懷縣



梧州府城圖說


梧州東北枕大雲山麓嵯峨歲裊西襟桂江南帶
泮河之水可謂因地利扼要衝矣創于宋開寶時
明初建修後遭大藤峽寇興工增築

國朝屢加修整垣墉重新屹然壯觀為粵西門戶綜
其大勢山從桂林而來水注藤容而下水融結
靈氣獨鍾試登棲鳳之臺望歌羅之故址全郡形
勝在指掌間古云眾志成城豈不韙歟



池

圖



梧州府志

卷首圖


五

蒼梧縣圖說

蒼梧之野肇載虞史而邱索堙坳漫焉莫徵自郡於漢而縣於陳相沿及宋省猛陵戎城入焉其幅幘固加廣矣明置府以來允稱首邑城內廂五外鄉十有一縣屬巡檢司三東曰長行西曰安平北曰東安志稱其近山者樵近水者漁不營商賈不諳官役惟服田力穡乃亦有秋何民風之茂也顧地當衝要政繁而事劇手胼足胝仰賴司牧安得任劉陶梁子璠者而治之



坊六鄉今析為都所屬巡檢司二西曰白石寨南曰寶家寨




容縣圖說


唐立五筦而容居其一嶺表之間推為巨鎮天寶時領十四州上元時領十三州宋復置容州猶隸十屬總轄尊嚴非復巖昌陰石之舊也明始降為縣有坊里廂里凡為里十有一東有大崗西南有粉壁二巡檢司規制雖隘於前矣然形勝依然洞府斯在經畧之臺面面之亭駱駝之橋釣魚之石皆足供人憑眺也志稱人重廉恥士尚學問宦遊者慕清節林居者恥干謁于今驗之益信官斯口者果能摹大歷碑升思賢堂思無媿於五賢則矣善

梧州府志

卷首圖

十





梧州府志


卷首圖

十一

岑溪縣圖說

岑谿處郡西南轄鄉七上化下化歸義近城者也
 西鄉南鄉以方位名也連城永業皆古郡縣地也
 縣東南有上里平河巡檢司邑環萬山中登高眺
 遠五色如繡瀑泉濺雪噴珠映帶左右尤令人脩
 然意遠如李思訓手寫之圖非尺幅所能罄也恭
 遇
 聖朝承平日久向所稱六山七山北科大崗險要戍兵
 之地營壘遺址一望盡為田疇又巖阿僻處不通
 孔道力穡而外無所用吾民者故紀其風俗秀者

攻詩書愚者務農買即間有或愚或黠而禾莠不
 相糴宰山水之縣所以激勸而化導之者易易也
 亦何容緩哉





梧州府志


卷首圖

十三

懷集縣圖說


懷之隸於梧也說者謂四面皆東境而於梧孤懸一隅未免臂指不聯而不知非也懷介居東西肇平二郡間而其距肇平也遠則慮鞭長於梧無毗連地而其附梧也邇則同肘近水陸惟其便也不隸賀舊州隸則隸梧矣自明改隸以來莫或易之矣在城爲坊者三在鄉爲里者五屬巡檢司二東爲武城西爲慈樂粵西多山懷更在叢山中茂林密箐彌望鬱葱竹木貨殖之利所自饒也然而善言治者貴崇本而抑未沃壤可耕而豐草莫芴惜哉

當有起而濬鄭白之渠者



縣


圖



梧州府志

卷首圖

十五



梧州府志

卷首圖

十七

郡邑八景圖說

自宋廸畫瀟湘平遠始立八景之名後世僻壤偏隅轉相倣倣幾成陋習而非所論于梧也梧爲山水窟翠微頰璧秀木高林泉石雲烟情不給賞桑酈所未及記荆關所未及圖郡城有之屬邑亦各有之信足光志乘矣山水古蹟諸門並已詳載茲不復復敘云

府城八景

桂江春泛

雲嶺晴嵐

鱷池漾月

鶴岡返照

金牛仙渡

龍洲砥峙


水井泉香

火山夕焰


梧州府志

卷首圖

十八



景之圖



梧州府志

卷首圖

十九

梧縣八景

劍江春漲

石壁秋風

赤峽晴嵐

東山夜月

龍巷露臺

鴨灘霜籟

登嶼聳環

谷山列嶂

梧州府志


卷首圖

二十

藤縣八



景之圖



梧州府志

卷首圖

二十一

容縣八景

南山秋色

書臺朗誦

凌雲斑竹

勾漏丹砂


採桑化石

負薪登仙


鐘鬪龍潭

濯纓晚眺

容縣八



景之圖



梧州府志

卷首圖

二十三

岑溪縣



岑溪八景

春泛花洲

秋風石室

南樓晚眺

北山松籟


仙亭觴月

龍潭聽雨

葛巖瀑布

西瀧晴嵐

八景圖



西龍晴嵐


洲花泛春

梧州府志

卷首圖

二十五

懷 集 縣



懷集八景

塔山曉霽

佛燈晚晴

沙田春雨

石井寒泉


筆架文峯

南溪古渡

龍灣魚苗

燕嶺樵歌

八景圖




梧州府志

卷首圖

二十七

新 建 文



梧州府志

卷首圖

二十八

廟之圖

